

>>*Dicadangkan agar tapisan dibuat ke atas semua warga asing supaya tidak terlepas penjenayah kecil-kecilan yang akhirnya boleh bertukar menjadi pengganas*

HARIAN METRO

Tangani jenayah warga asing



Noor
Mohamad
Shakil
Hameed

Hampir setiap hari kita didedahkan dengan berita pembabitan warga asing dalam pelbagai salah laku dan jenayah di negara kita. Antaranya kes rompakan, perga-duhan sama ada sesama mereka atau dengan warga tempatan, rogol, cabul dan ragut. Terkini kita didedahkan pula dengan pembabitan warga asing dalam kes penculikan. Baru-baru ini dilaporkan dua lelaki warga Bangladesh menculik seorang kontraktor selama 72 jam sebelum diselamatkan anggota polis di Seremban.

Mengikut fakta kes, mangsa berusia 40-an diculik dua lelaki terbabit di hadapan rumahnya di Port Dickson ketika pulang menuaikan solat Tarawih jam 10.30 malam. Dan difahamkan kedua-dua lelaki ini dipercayai memiliki rangkaian penculikan yang berpusat di negara berkenaan sebelum meminta wang tebusan 200 juta taka (RM10.1 juta) daripada keluarga mangsa. Kedua-dua tangan dan kaki mangsa dikatakan diikat sebelum dibiarakan dalam hutan di Jalan Labu selama tiga hari.

Jelas jenayah membabitkan warga asing di negara kita sudah mula memasuki fasa baru apabila mereka dilihat semakin berani dan mula mengancam nyawa rakyat kita. Bilangan semakin ramai membolehkan mereka bertindak nekad tanpa rasa takut dengan undang-undang negara ini. Hakikatnya kita tidak dapat mengenali latar belakang mereka dan terpaksa berbaik sangka hingga berlaku bermacam kes jenayah. Sebenarnya dalam konteks ini kita tidak mempunyai banyak pilihan. Mereka sudah ada di negara kita dan sedang bersama-sama dengan kita

dalam kehidupan sehari-hari. Sedar tak sedar kita semua seolah-olah sentiasa terdedah dengan ancaman daripada mereka. Persoalannya selama mana kita boleh hidup dalam keadaan rasa takut dan terancam dalam negara kita sendiri?

Ironinya isu kemasukan pekerja asing tidak pernah sunyi dalam masyarakat kita. Sekejap dibenarkan, sekejap dibekukan dan kemudian diberi pula kelonggaran. Dalam hal ini penulis percaya kerajaan juga dalam keadaan dilema antara mengawal kemasukan pekerja asing dan negara serta membuka peluang pekerjaan kepada warga tempatan dengan desakan daripada pihak industri yang masih memerlukan sumber tenaga kerja asing untuk operasi mereka. Malah, baru-baru ini kerajaan menegaskan betapa kerajaan hanya meluluskan kemasukan pekerja asing atas permintaan pihak majikan dan industri itu sendiri.

Kita percaya memang sukar untuk menghalang sama sekali kemasukan pekerja asing kerana jelas khidmat mereka masih diperlukan di beberapa industri kritikal seperti perkhidmatan dan pembinaan. Hal ini kerana rakyat kita kelihatan masih tidak sanggup untuk mencebur ke dalam kerja berkenaan atas pelbagai alasan klise, terutama kerana gaji rendah. Justeru usaha untuk mengekang kemasukan pekerja asing boleh dikatakan hanya sia-sia semata-mata.

Namun, kita tetap berharap agar pihak kerajaan akan membuat kajian menyeluruh bagi menentukan keperluan sebenar guna tenaga asing dalam semua industri di negara ini supaya lambat laun kita dapat mengawal sepuhnya jumlah kemasukan pekerja asing ke negara kita.

Sementara perkara itu berlaku eloklah sekarang kita beri perhatian serius kepada aspek lain iaitu bagaimana hendak memastikan warga asing yang masuk ke negara

ini datangnya daripada latar belakang yang bersih dan bebas jenayah serta bagaimana pula hendak mengawal aktiviti mereka di negara ini. Ini dua isu yang cukup kritis perlu diberi perhatian serius oleh semua pihak terbabit dalam urusan membawa masuk pekerja asing.

Fasa pertama perlu bermula dengan kajian dan siasatan terhadap latar belakang mereka sebelum masuk ke dalam negara ini. Pihak majikan terbabit dalam fasa ini perlu lebih bertanggungjawab agar tidak salah memilih pekerja. Ejen yang dilantik perlu dipastikan cukup berwibawa dan mempunyai kredibiliti tinggi serta boleh dipercayai. Majikan tidak boleh lepas tangan dan hanya salahkan ejen jika berlaku sesuatu di kemudian hari.

Sebelum pilih pekerja, elok kita pilih ejen yang boleh dipercayai agar mereka dapat memilih dan menyalurkan guna tenaga sepertimana yang kita perlukan. Ringkasnya majikan perlu pastikan ejen mereka sudah menyiasat latar belakang setiap seorang pekerja asing yang hendak dibawa masuk ke negara ini. Kita percaya dengan tapisan ketat dari peringkat awal sebegini kita dapat mengurangkan kemasukan individu yang mempunyai rekod jenayah di negara masing-masing.

Hal ini penting kerana penulis percaya kebanyakan warga asing yang terlibat dengan jenayah di negara luar pasti memiliki rekod jenayah lampau di negara mereka dan bukannya tiba-tiba bertukar menjadi penjenayah apabila menjelak kaki ke negara kita.

Dalam fasa kedua pula kita berharap pihak berkuasa akan memikirkan pendekatan bersesuaian untuk turut menapis dan mengawal mereka. Pihak berkuasa misalnya perlu mendapatkan kerjasama pihak Interpol ataupun pihak berkuasa negara asing agar dapat menapis setiap individu asing yang

